

《中國地方藝文薈萃》編輯會 編

第一卷·及第

中國地方藝文薈萃

第一卷·及第

華東卷·第三輯
玖

中國地方藝文薈萃

《中國地方藝文薈萃》編委會 編

貴州師範學院內部使用

國朝全閩詩錄初集二十一卷初集續十一卷（二）

貴州师范学院内部使用

國朝全閩詩錄初集二十一卷初集續十一卷（二）

（清）鄭杰輯

據清光緒八年（一八八二）刻本影印。

國朝全閩詩錄初集卷十四

二
侯官鄭杰昌英緝

雷鋹七首

鋹字貫一號翠庭寧化人雍正癸丑進士官
通政使司浙江提督學政有翠庭詩草

注韓居詩話翠庭官終左副都御史受學蔡
文勤公篤行程朱躬行實踐著有經筵堂文
集詩不多作

懷五布衣并及石東村

五布衣廬青山人李鐵君名鐸陳石閭名景

元朱抱光名燉陳嘉謨名廷策皆北人陳俯
躬名梓浙之嘉興人東村名永寧今少司馬
觀補亭之父也

我獲布衣交邂逅五君子久知薦青山幽芳殊凡藹
願言采其英潛覓不殊肯因來訪石間矮屋擁書史
落落談古今貧哉病以死更有抱光君被褐遠金紫
一室抱微尚古琴自悅耳三子鼻如蘭何幸不我鄙
且得兩陳君考槃各永矢一在北之屢一在南之渙
北學宗洛閩屢空道可企南學共源流貧亦非同軌

老矣均無兒弟子供滫瀡我造北陳廬床竈雜杖几
南陳會駕湖答拜人扶起合之以石閭三陳堪並峙
三君未盍簪我乃得躡履抱光云近朱廡青曰御李
薦青與南陳神交頻託鯉試問與北陳握手當何似
爰有石東村薦青忌彼已石閭與抱光東村輒倒屣
東村以子貴不獲布衣比我懷五布衣并作東村誄
亡者杳莫追存者勞予跂潔身各有歸相期唯一是
以此誌知心石交亦足喜天下豈無人渺然思彼美

遊雁蕩

此行未到天臺遊道經雁蕩豁雙眸隔宿黯黯陰雨
至月影半出雲偏稠凌晨衝嵐撞霧入石梁古洞氣
焯焯南閣北閣渺無際老僧拜石類雪寧鼓勇直登
謝公嶺東海旭日升紅毬四山濛氣頃刻散陰闔陽
闔神力周同人躋勝齊把臂遇雨忽晴喜且謳曲盤
躡跡靈峰洞石泉冷沁夏疑秋峭骨森羅千萬狀奇
奇怪怪造物裒或如搢笏端拱立或如委珮叅稽謀
或如比肩標競爽或如從類相追求或如美人擁高
髻或如壯士着兜鍪或如虎變如豹隱或如介馬如

喘牛或如靈芝與玉笋或如筆卓與旂旂十里五里
易一境石屏鐵障稱雄邁山僧指點龍鼻水一噓一
吸滴無休攀崖陟磴脚力困馬鞍峯峻與天侔自上
下下險且枕喘息莫定心悵惆牽連如猿到平地輿
從疲憊問歸不忽來指南有妙相近仁寺僧
名指南蜿蟺導
引大龍湫千仞不計路險易策杖渡澗肯遲留懸崖
絕壑不知數叫絕千古此為尤瀑布瀉下五千尺變
化無端莫訊由空中聚散疎或密橫斜曲直戛琳球
聚者滾滾如匹帛散者絲絲如垂旒疎如湘簾密如

織直如釣絲曲如釣橫者隨風分左右斜者紛披任
所接近之霏霏如小雨遠望滃滃如烟浮呼吸感應
更竒處羣聲一喊輒湧流或云突過匡廬水豈特名
勝歷東甌東西各分内外谷馬鞍一峽為中岫竒峰

古蹟難歷遍大槩且何矣囊收昔者同安陳將軍翮

翮緩帶而輕裘力搜雁蕩覓靈異

靈峯巖雁蕩二大
字古蹟陳公剔蘚

出之建有
靈異亭

芒屨直上雁峰頭日色澄霽天尺五下有

雷雨鬥蛟虬南顧閩粵在几席北叅秦岱撫垓邱東
控滄海西川陝俯視一氣凌方州際此劃然一長嘯

地為舟遙遙我向山靈約端的此願何時

遊百丈巖

桃源洞口問津來石磴盤旋異境開峰入半天摩日
月泉飛絕壑轉風雷欲招白鶴空中下乍瞰紅雲嶺
上堆傍晚未遑他勝處桂花香裏掉舟回

西湖早泛

輕移小艇日初紅好趁微涼西復東錦帶堤邊蟬寂
寂湖心亭畔水融融六橋柳暈朝烟裏三竺鐘涵宿

霧中最愛荷香新出瓣
凌波先領釣魚翁

婺州道中野望

校士扃門草滿衙
出郊極目意無涯
楓林浥露煊紅葉
蕎麥衝寒吐白花
時到三秋應望雨
月當初上正思家
行行山路忘歌險
賴有同心手共叉

遊臨江閣

臨江一閣影空浮
山自青青水自流
說向老僧叅未了
木樨香裏又三秋

思家

遠別庭幃客路催孤舟夢醒獨徘徊逢人亟問家園
信不道都從別處來

張軾二十首

軾字未瞻寧化人雍正間歲貢生有漱亭詩

集

注韓居詩話未瞻少有逸才工詩古文詞尤肆力於詩於寒支道人後特張一軍邑翠庭雷副憲曾叙之集甚富未刻

雜擬

西陵松如蓋舊結同心帶南山艾如羅出門即風波

君心非金石妾命亦蹉跎陌上有天桃園中有苦橘
取會貴分明胡為不吐實朝者野鳥飛暮者野鳥宿
妾似燕啼此淒涼守君屋本是合歡花翻成斷根草
愁到天地翻一夜紅顏老篇篇口中詞點點心頭血
心血君不飲將以悲行路

花間曲

徐妃已嫁秦宮老十二雕欄簇青草一團白玉出寒
宮王子吹笙長夜曉美人當盆種紅粟噓氣成蘭香
馥馥莫說當年擊鼓人殘魂背立鞦韆哭擲盃起舞

轉悲歌花下長留將奈何

懷仙引

風飄一葉雲波冷十二玉樓光炯炯朝過紫海暮虞
泉下視塵寰一片影仙娥角髻夜光冠蓬萊山外又
青山指示訣氣通神闕五帝六甲就靈班密笈既腐
青鸞杳欲斧利刀割昏曉朱桃丹粟未開花人間頃
刻仙人老

估客樂

江湖風月好估客檣帆疾如鳥自從世俗重錐刀逐

未人多務本少人言
估客樂此語良非錯
珠貝溢畫航金錢朽
貫索牙僧嚴憚比上官
庭上一呼聲諾諾
煖玉屏檀香火絕代蛾眉團
膝坐洛陽女兒顏如花
年十六七未有家聞道書生求
攢眉不下樓傳聞估客娶鏡裏
修容整蓮步吁嗟乎脫畧儒林
詳貨殖史遷臨文多感激

落葉哀蟬曲

欄干十二鈴聲少
陰曠簾櫳天欲曉
雲踪一片夢難成
白骨蛾眉埋野草
繡襦褶褶羅帶長
鸞釵翠羽雙